

PUKA 'AKA MĀRAMĀRAMĀ
I TE

KOPU TANGATA

PUKA 'AKA MĀRAMĀRAMĀ
I TE

KOPU TANGATA

Nēnēia e
Te Akonoanga a Iesu Mesia o te Aronga Tapu i te Au Rā i Muri Nei
Salt Lake City, Utah

Ture Raii © 1994 na
Te Akonoanga a Iesu Mesia o te Aronga Tapu i te Au Rā i Muri Nei
Kua tapuia te au tika'anga katoatoa
Nēnēiia ki Marike
Kua ārikiia te reo papāā: 6/92
Kua ārikiia te 'akaurianga: 9/92
'Akaurianga o te **Family Guidebook**
Rarotongan

To Roto i teia Puka

‘Akāaravēianga	iv
Tupu‘anga o te Kopu Tangata	1
‘Api‘ianga i te ‘Evangeria i roto i te Kopu Tangata	3
Raveanga i te Tuanga ‘Angaanga Kopu Tangata	9
Raveanga i te au ‘Akamorianga Tapu o te Kopu Tangata	15
Te au ‘Angaanga ‘Ōro‘a Tapu a te Kautaunga e te au ‘Akameitakianaga	17

'Akāaravēianga

Ko te kopu tangata te mea puapinga rava atu i teia 'oraanga e mutukore 'uatū. Kua 'akatupu te Atua i te kopu tangata ei apai mai i te mataora ki tana tamariki, kia 'apiii'a ratou i te au 'api'ianga tano na roto i te tu inangaro, e kia 'akateāteāmamaō ia ratou no te ora'anga mutukore.

Kua 'akapapāia teia puka 'akamāramāmā no te au kopu tangata katoatoa. Ka riro teia ei tauturu i te au mema o te kopu tangata kia māmama e ka 'akapēēa ratou i te oki 'akaōu anga ki mua i te aroaro o te Atua e kia 'akameitaki atu i te ora'anga o 'etai ke. Teia ta te puka 'akamāramāmā i 'akakite mai:

1. 'Ākakite mai no runga i te tupuanaga o te kopu tangata.
2. Tamanako i tetai au ravenga no te au metua kia 'api'i atu i te 'evangeria i roto i te kopu tangata, mei te 'api'i i te au tuatua tapu, pure kopu tangata, e te putuputuanga kopu tangata.
3. 'Akamāramā e ka 'akapēēa te kopu tangata i te raveanga i ta ratou au tuanga 'angaanga kia (1) rauka mai

ia ratou te au mea tei ānoanoia no te pae vaerua e te pae kopapa e ki 'etai ke katoa, (2) kia 'api'i atu i te 'evang-eria ki te kātotoa, (3) kia rauka mai ia ratou te 'au 'akameitakianga o te 'iero e kia ōronga atu i teia au 'akameitakianga no te 'au ui tupuna tei mate.

4. 'Akamāramā e ka 'akapēēa te kopu tangata i te 'akatupuanga i te ūpaanga 'akamorianga o te Tapati me 'akatikaia kia rave.
5. Kia rauka mai tetai au 'akara'anga no te au 'angaanga 'ōro'a tapu a te kautaunga.

Me māmama, e me rave te au mema o te kopu tangata i teia au 'api'ianga mamaata nei, ka kite ratou i te mataora i teia ora'anga e te ora'anga a muri ake. Teia ta Peretiteni David O. McKay i tuatua mai: "Kare atu akū ngai ke i kite e ka noo mou te mataora mari ra i roto i te ngutuare." Ka rauka kia 'akariroia te ngutuare mei tetai tuanga meangiti o te rangi. Inara, te kite nei au i te rangi e ko te ngutuare tau tikai te reira" (I roto i te Conference Report, Apr. 1964, kapi 5).

Tupu'anga o te Kopu Tangata



Kua 'akaūe te Atu i tana au tamariki kia 'akaipoipo e kia 'akatūpu i te kopu tangata. Kia inangaro atu te au tane e te au vaine ia ratou ūaorai ma to ratou ngakau katoa. Kua 'apī'i mai a Pauro: "Te au Tane e inangaro atu i ta kotou au vaine, mei ia Iesu katoa i inangaro i te 'akono'anga, e kua 'oronga atu iāia no te reira. . . . E ko te vaine e kau-raro i ta'au tane" (Ephesia 5:25, 33).

Kua 'akakite mai a Gordon B. Hinckley i te tika'anga o te pirianga i rotopu i te tane e te vaine: "Ko te tika'anga o te 'Akaipoipo, koia oki kia 'aiteite raua ravarai, kare tetai i ma'ata atu i tetai, inara, kia tauturu e kia 'akamaro'iro'i atu tetai i tetai no atu 'ea'a te tu o te

'angaanga e te manamanatā" (Church News, 14 Mar. 1992, kapi 11).

Me 'ānau mai te tamariki ki roto i te kopu tangata, kia inangaro atu te metua ia ratou, apii ia ratou te mea tika o te 'evangeria, e kia riro ei 'ākara'anga meitaki. Na ratou e kimi i te au mea tei ānoanoia no to ratou kopu tangata. Ko to ratou 'akakoro'anga kia 'akateāteāmamaō i te au mema o te kopu tangata kia oki e kia no'o 'akaou ki mua i te aroaro o to tatou Metua i te Aō ra (akara Mose 1:39).

Kia 'akangāteitei e kia ka'uraro te au tamariki i to ratou au metua. Kia 'apī'i e kia 'akono ratou i te au 'akaue'anga a te Atua.

Kia ta 'angaanga te metua tane i te mana kautaunga kia 'akameitaki e kia arataki i te au mema o te kopu tangata. Me kare e metua tane i roto i te ngutuare me kore kare te metua tane e mou ra i te mana kautaunga, ka 'oro-

ngaia atu te 'akameitakianga o te kautaunga na roto i te epitikopo, me kore te peretiteni o te manga, te arataki o te tino, e te nga puapii tutaka tei 'iki'ia ki te kopu tangata.

'Api'ianga i te 'Evangeria i roto i te Kopu Tangata



Kua 'akaūe mai te Atua i te au metua kia apii i te evangeria ki ta ratou tamariki. Teia Tana i tuatua:

"Ki te au metua e tamariki ta kotou i Ziona, me kore ra i roto i tetai au ngai kē atu tei 'akono'ia, tei kore i 'api'i ia ratou kia māramā i te 'api'ianga o te tātaraara, te 'akarongo ki roto i te Mesia te Tamaiti a te Atua ora, te pāpetitoanga e te 'oronga anga o te Vaerua Tapu me varu mataiti, tei runga i te ūpoko o nga metua te ara.

"Kia riro teia ei ture ki te au tangata katoatoa e noō nei ki Ziona, me kore ki tetai 'au ngai ke atu tei 'akono'ia.

"E ka pāpetito'ia ta ratou au tamariki

no te tātara i ta ratou au ara me varu mataiti, e ka 'oronga katoa ia atu te tukuangā rima.

"E kia 'api'i katoa ratou i ta ratou au tamariki kia pure, e kia aere tirā'tirātu ki mua i te 'Atua" (D&C 68:25--28).

Kua oronga mai te Atua i tetai tao'anga puapinga tikai ki te au metua, e kua kite aia e ka rave meitaki ratou i te reira. Ka 'angaanga kapiti ratou ma ta ratou au tamariki ma te inangaro e te 'akakoromaki, ma te kore e titau kia apakore ta ratou au tamariki e ratou katoa. Penei e ka riro teia au 'akara'anga ei tauturu i teia au metua kia 'api'i atu i ta ratou au tamariki.

'Api'i i te Tuatua Tapu ki te Kopu Tangata

E ā puka tuatua tapu e raveia nei i roto i te 'Akono'anga te Pipiria, te Puka a Momoni, Apiianga e te Au Kororomotu, e te Poe Oko Ma'ata. Kua 'api'i mai teia au puka ia tatou no runga i te 'akakoroanga o te Atua no to tatou ora'anga. Kua 'api'i katoa mai ratou no runga i te ora'anga e te 'akakoroanga o Iesu Mesia e te au ture o te 'akonoanga. Pera katoa tetai au 'akara'anga no runga i te au tangata 'akarongo e tei 'akono i te au 'akau'eanga a te Atua.

Kia 'api'i kapiti te au kopu tangata i te au tuatua tapu i te au rā katoatoa kia rauka ia ratou kia tamou e kia āru i te au 'api'ianga a te Atua. Kia 'akamaroiroi i te au metua kia taokotai mai i to ratou kopu tangata ki te ngai 'okotai e kia tatau ma te 'uri'uri kapiti atu i te au tuatua tapu. Ko tetai ūa 'atu mema o te kopu tangata te ka kite i te tatau kia 'oronga'ia tetai tika'anga kiaia kia tatau i te au tuatua tapu.

Penei e ka pati atu te nga metua i tetai mema o te kopu tangata kia rave i te pure i mua ake i te tātatau'anga irava. Kia pati atu aia ki te Metua i te Ao ra kia 'akameitaki mai ia ratou tātakitai kia maramā 'ea'a ta ratou e tatau ra e kia rauka mai te kite. Penei ka inangaro te kopu tangata kia rave i to ratou pure i muri ake i te tātatau 'anga irava.

Me tatau te kopu tangata ma te kimi matatio i te au tuatua tapū ka rauka i a ratou kia aite mei te 'Akaora rai, e ka kite ratou i te mataora maata i roto i to ratou 'ora'anga.

Pure No'o° Òaorai e te Kopu Tangata

'Inangaro to tatou Metua i te 'Ao ra ia tatou e kua ānoano aia ia tatou kia tuatua kiaia na roto i te pure, 'akameitaki iā'ia no to tatou au 'akameitaki anga ma te pati atu i tana tauturu e te maramā. Ka tauturu mai Aia ia tatou me pati tatou kiaia.

Ka tauturu mai teia au takainga e ā ia tatou me pure:

- Ka 'akamata to tatou pure na roto i te tuatua anga ki to tatou Metua i te Ao ra: "E to matou Metua i te 'Aō ra . . ."
- Ka 'akameitaki tatou i to tatou Metua i te 'Aō ra no te au apinga tana i oronga mai no tatou: "Te 'akameitaki atu nei matou ia koe . . ."
- Ka pati tatou kiaia no te au apinga ta tatou i ānoano iāia kia tauturu mai: "Te pati atu nei matou kia koe . . ."
- Ka 'akaoti to tatou pure na roto i te ingoa o te 'Akaora: "Na roto i te ingoa o Iesu Mesia, amene."

Kare ta tatou pure e āru ūa rai i teia au 'akano'o'anga e ā. Kia 'akamata e kia 'akaoti ūa rai ta tatou pure mei tei 'akamāramāia mai i runga nei, inara ko tetai au mea ke ta tatou ka tuatua tei runga ua ia tatou 'eā'a te mea puapi-nga. I tetai au taime ka inangaro tatou i te 'akapou i ta tatou pure i te 'akameitaki i to tatou Metua. I tetai au taime ka 'inangaro tatou i te pati atu i tana taūturu i roto i to tatou 'ora'anga. Kia kimi matatito tatou e kia āru i tana i ānoano i te au mea pouroa ta tatou ka rave.

Tō'ou Uaorai Pure

Kia rave koe i tō'ou ūa'orai pure e tai taime i te popongi e te a'ia'i. E mea tau kia 'api'i i te tamariki kia kite i te pure me 'akāmata ratou i te tuatua. Ka rauka i te au metua kia 'api'i i te tamariki kia pure na roto i te tūturi 'anga ratou e kia āru ratou i te tuatua e tuatua iā ra i te taime okotai. Kare e roa ka kite te tamariki i te rave i to ratou ūa'orai pure.

Pure Kopu Tangata

Kia rave te au kopu tangata i to ratou pure i te au rā katoatoa. Ka tūturi kapi-ti te kopu tangata, e na te ūpoko o te kopu tangata e rave i te pure me kore ra, ka pati atu aia ki tetai mema o te kopu tangata kia pure. Kia 'orongaia tetai taime ki te katoatoa kia rave i te pure no te kopu tangata. E oronga katoa i tetai taime no te tamariki meārikiriki ma te tauturu a te au metua. Ko te pure kopu tangata e

atianga meitaki rava atu te reira no te 'api'i atu i te au tamariki e ka 'akapēēa me pure e pera katoa 'api'i atu i te au 'api'ianga māmaata mei te 'akarongo ki te Atua, te tāakā'ākā, e te aroa.

'Akāmeitakianga i te Ka

Kia 'api'i te au metua i ta ratou tamariki kia 'akameitaki i te Atua no ta ratou kāi ma te pati atu kiaia kia akameitaki mai i te reira i mua ake ka kai ei. Kia 'orongaia tetai taime ki te katoatoa kia pati ki te Atua kia 'akameitaki mai i te kai. Pera katoa e te tamariki me rave tatou i teia, te 'api'i nei tatou kia 'akameitaki atu i to tatou Metua i te 'Aō ra no to tatou au 'akameitakianga.

Pure Takake

Kia 'api'i te au metua i ta ratou au tamariki, e kua papa te Atua i te tau-turu ia ratou i te au atianga ravarai, nō'atu e te pure ra ratou no ratou ūa'orai me kore no te kopu tangata, ka rauka ia ratou kia pure i tetai au atianga me inangaro tauturu me kore 'akameitakianga.

Te maataanga o te pure me raveia ka pikō to tatou ūpoko ki raro ka topiri te mata nō'atu e te tuturi ra koe, noo, me kore te tu ra.

Putuputuanga Kopu Tangata

Kia raveia te putuputuanga kopu tangata i te au 'epetoma katoatoa. Ko te

kopu tangata e tai tangata me kore e tane e te vaine. No'atu 'eā'a te tu, ka 'akameitakiia te tangata e rave nei i teia putuputuanga. Kua 'akataka te 'Akono'anga i te po Monite no te au kopu tangata kia rave i to ratou putuputuanga.

Teia ta te au Arataki Mamaāta i tuatua mai: "Te taputou atu nei matou kia kotou e maata ūa atu rai to kotou au 'akameitakianga ka rauka mai me āru kotou i te 'api'ianga a te Atua e kia rave kotou i te putuputuanga kopu tangata. Te pure putuputu nei matou no te au metua i roto i te 'Akono'anga kia āriki mai i ta ratou tuanga 'angaanga kia 'api'i e kia 'akamāramā atu i te au 'api'ianga mamaata o te 'evangeria ki ta ratou au tamariki. Kia 'akameitaki mai te Atua ia kotou kia maroiroi i te raveanga i teia 'angaanga puapinga" ("Message from the First Presidency," Family Home Evening Resource Book, kapi iv).

Na te metua tane e 'aka'aere i te putuputuanga kopu tangata. Me kare te metua tane i reira na te metua vaine e 'aka'aere. Ka 'aka'aere te nga metua i te putuputuanga, me kare, e 'iki i tetai mema o te kopu tangata kia rave. Tetai 'uatū tangata pakari kia piri atu ki roto i te 'aka'aere anga. Na te metua me kore tetai tangata pakari e rave i te 'api'i. Ka rauka i te au tamariki kia tauturu atu na roto i te 'aka'aere anga i te imene, tatau irava, pau i te au ūianga, mou i te tutu, apai i te katikati e te pure.

Imene mua (na te kopu tangata)
Pure mua (na tetai mema o te kopu tangata)

Tua mataora, me kore tatau irava (na tetai mema o te kopu tangata)

'Api'i (na tetai metua me kore tetai tamaiti pakari)

Kanga mataora (na tetai mema o te kopu tangata e 'aka'aere e kia piri atu te katoatoa ki roto)

Pure openga (na tetai mema o te kopu tangata)

Katikati

E manganui 'uatū rai tetai au ravenga no te rave i te putuputuanga kopu tangata. Ko tetai 'uatū tamataora te ka kapiti mai i te kopu tangata ki te ngai okotai, 'akamaata atu i to ratou inangaro tetai ki tetai, tauturu ia ratou kia piri vaitata ki to tatou Metua i te 'Aō ra, e kia 'akamaro'iro'i ia ratou kia noo tiratira-tū e karangaia te reira e putuputuanga kopu tangata. Tetai au 'akara'anga no te tamataora tatau irava, 'uri'uri no runga i te 'evangeria, 'akakite i tō'ou kite no runga i te 'evangeria, rave 'angaanga, imene kapiti, aere ki te pikiniki, kanga kopu tangata, e kia mataora i te au mea ta te Atua i anga. Pouroa te au putuputuanga kopu tangata kia raveia na roto i te pure.

Kia 'aka mouia te au 'api'i ki runga i te au tuatua tapu; te tuatua a te au peroveta i te au rā i muri nei, te ripoti mei roto mai i te au 'uipa'anga maata, e tō'ou

ūa'orai kite e te kite o te 'evangeria. Kia maata te 'api'i no runga i te 'ānauanga, te ora'anga, te 'api'iangā e te mateanga o te 'Akaora. **Te au Tumu Tuatua o te Evangelia, te au Gospel Fundamentals,** e te au puka a te 'Akono'anga tei roto i reira tetai au 'api'iangā e te au ravenga te ka riro ei tauturu no runga i te putuputuanga kopu tangata.

Teia tetai au tumu tuatua te ka tano no te 'uri'uri:

- Te ravenga o te 'akaora'anga
- Te 'oraanga e te 'api'iangā o Ietu
- Tatararaa
- Pure
- Akakoreanga kai
- Te Reo o te Pakari
- Ta te Atua 'api'iangā no te tiamā
- Te aiteanga o te 'oro'a
- Tuanga ngauru
- Pumāana
- Tuatua tika
- 'Akatapu i te Atua e tana au mea i anga
- 'Akateāteāmamaō no te pāpetitoanga, 'akatao'anga anga ki te mana kautaunga me kore, 'akaipoipo'anga
- Tatau i te tuatua tapu
- 'Akatāpu i te rā Tapati
- 'Api'i kia 'akakore atu i 'etai ke
- 'Akamaata e te 'akakite i tō'ou kite 'evangeria
- 'Akakite i te 'evangeria ki 'etai ke
- 'Akāpapa'anga tua o te au mema o te kopu tangata

- 'Akamāramā'anga e te ārikianga i te mate
- Tauturu'anga i te manamanatā o te kopu tangata
- 'Akaterē'anga i te moni kopu tangata
- 'Akātu'anga anga i te 'angaanga a te kopu tangata
- Rekareka e kia mataora i te imene

Pera katoa, te ōrotē mei te Kiritimiti; te 'Tuakaouanga; tetai mema o te kopu tangata ka aere ka tutu 'evangeria; me kore rā ānaū'anga; pāpetito'anga; me kore te 'akatao'anga anga o tetai mema o te kopu tangata, ka riro teia ei atia-nga meitaki tikai no te 'api'i i te au 'api'iangā tika o te 'evangeria.

Ōipa'anga Kopu Tangata

Penei ka inangaro te nga metua kia kapiki i te kopu tangata ki te űngai okotai no tetai 'uipa'anga. Ka riro teia 'uipa'anga ei turu i te kopu tangata kia itae i tetai űngai teitei, kia akakore i te manamanatā kopu tangata, 'uri'uri no runga i te moni, kimi ravenga, tauturu e te 'akamaro'iro'i tetai ki tetai, ma te pure no ratou űa'orai. Ka raveia teia no'atu 'eā'a te taime ka inangaroia. Penei ka inangaro te kopu tangata kia rave i teia 'uipa'anga i te au Tapati tatakita me kore i te taime o te putuputuanga kopu tangata. Kia ārikī'ia te au manako o te katoatoa, ka riro

teia 'uipa'anga ei mea puapinga.

Uri'uri Manako Muna

Maata te au metua i kite me rave putuputuia tetai 'uri'urianga manako muna na ta ratou au tamariki ka riro te reira ei 'akavaitata atu ia ratou ki ta ratou au tamariki, 'akamaro'iro'i ia ratou, e ma te 'api'i ia ratou i te 'evangeria. Ko teia 'uri'urianga manako nei tei runga ua e, 'eā'a te tu. I te taime o te 'uri'urianga, kia akaāri atu te metua i tona inangaro ki te tamaiti. E tika'anga to te tamaiti kia 'akakite i tona manako no runga i tetai tumu tuatua, manamanatā, me kore no tetai mea tana i kite. Kia 'akarongo meitaki te metua e kia 'akamanako meitaki aia 'eā'a te manamanatā o te tamaiti e kia kimi matatio. Penei ka inangaro te pāpā e te tamaiti kia pure kapiti.

'Au Tamataora Kopu Tangata

Kia parani te nga metua i tetai taime no te kopu tangata kia rave i tetai au 'angaanga kapiti. Pikiniki, tere na vao, 'angaanga kopu tangata, tāmā i te kainga e te auā, paitai, e tetai au tamataora tano no te au kopu tangata kia mataora ratou i te rave kapiti

Raveanga i te Tuanga Angaanga Kopu Tangata



anga.

Ko te kopu tangata te ka mataora i te rave kapiti i te tamataora ka maata atu to ratou āro'a e te pumaana. Ka maata atu to te tamariki 'akarongo ki to ratou metua e ka āru ki ta ratou 'akaterea-nga. Ka rauka ngōie 'ua i te metua kia 'api'i i te 'evangeria.

'Au Tamataora i te au Rā 'ua nei

E maata te au ati'anga no te apii i te 'evangeria me noo ma te 'angaanga kapiti te kopu tangata. Tetai 'akaraa-nga, me tāmā kainga me kore āua me kore kaikai kapiti, ka rauka i te metua kia tuatua ki ta ratou au tamariki no

runga i tetai au tamataora e tetai au tamanako 'anga. Penei ka ui atu te tamariki i tetai au ui'anga no runga i te 'evangeria te ka rauka i te au metua i te pau. Ka rauka katoa i te metua kia 'iki i tetai tumu tuatua te ka tau ki te tamariki kia 'uri'urii na roto i te tu tau e te mataora. Ka tau katoa te taime moe no te tua me kore tataui i tetai tua mei roto mai i te tuatua tapu, au puka a te 'Akono'anga, me kore ta'au ūa'o-rai i kite.

Ko te 'akakoro'anga o te 'Akono'anga a te Atu koia oki kia tauturu i te au tangata ravarai kia aere mai ki te Metia. E 'angaanga puapinga maata ta te kopu tangata kia tauturu i teia 'akakoro'anga kia tupu. Ka rave tatou kia rauka ia tatou te—

1. Maroiroi kopapa e to te vaerua, e to tatou kopu tangata, e kia tauturu atu i tei ānoanoia e tetai ke.
2. Tutu atu i te 'evangeria ki te au tangata katoatoa.
3. Kia rauka katoa i te au mema o te kopu tangata te au 'akameitakianga o te Iero e kia rauka katoa teia au akameitakianga nei i to ratou ui tupuna tei mate.

Rauka'anga o te au mea tei ānoanoia no te pae Vaerua e te pae Kopapa

Ko te tuanga mua o teia puka 'akamāramāmā kua 'uri'urii e ka 'akapēea te au kopu tangata e rauka'i ia ratou tei ānoanoia no te pae vaerua. Tei te au kopu tangata tātakitai te 'ākara e ka 'akapēea ratou e rauka mai ei te 'au mea tei ānoanoia e ratou no te pae kopapa e kia tauturu atu i tetai ke.

Kimi i Tō'ou Ōa'orai Ravenga

Kua oronga mai to tatou Metua i te 'Ao ra i te 'au apinga ravarai ta tatou i inangaro—ta tatou tarenī e te kite,

pera katoa te au meitaki o te pae kopapa nei. Inara kare aia i 'akan-garōpoina ia tatou, kare aia i rave i te au mea te ka rauka ia tatou i te rave no tatou ūa'orai. Kua 'akaūe mai aia kia ta 'angaanga tatou i te au mea tana i oronga mai no tatou kia tauturu ia tatou e to tatou kopu tangata. Me rave tatou i te reira, te kimi nei tatou i to tatou ūa'orai ravenga.

Me āriki tatou i teia au tūanga 'angaanga no tatou ūa'orai e no te meitaki o to tatou kopu tangata, kia rauka katoa ia tatou i te tauturu ia tatou ūa'orai i te au rā katoatoa o to tatou nei 'oraanga. Kia teāteāmamaō tatou no te au taime o te manamanatā kia kore tatou e irinaki ki tetai ke.

Ei tauturu ia koe ūa'orai ka ānoanoia tatou kia 'angaanga. Ko te 'angaanga i te pae kopapa, manako, me kore pae vaerua ka tauta. E au ravenga mataora, nō'ou ūa'orai, e no te au rā ki mua.

Kia āriki te au metua i te tuanga kia 'angaanga no to ratou ūa'orai meitaki, e kia 'api'i i ta ratou 'au tamariki kia rave i te reira. Me rave te au mema o te kopu tangata i teia, kia 'akateāteāmamaō ratou ia ratou i roto i teia 'au tu'anga nei.

Api'iangā. Teia ta te au mema o te kopu tangata ka rave—

- 'Akameitaki i ta ratou tatau, tata, e te au tumu mamaata o te kite numero.

- 'Auraka e kaimoūmoū i te au 'āti'anga te ka rauka ia koe no te

kimi atu i te kite e te 'au ravenga memetaki.

Tu o te oraanga. Teia ta te au mema o te kopu tangata ka rave—

- 'Akono i te Reo o te Pakari ma te kai i te 'au kai meitaki.
- Kia rava te vairakau no te maki e no te 'nio.
- Akono i to kotou ngūtuare kia mā e te manea.

E 'Angaanga. Teia ta te 'au mema o te kopu tangata ka rave—

- Kia kite meitaki i ta ratou 'angaanga na roto i te tereni'anga no tetai atu 'au kite.
- Kaūraro, 'angaanga pakari, e te irinaki.

Akaputupu no te ngutuare. Teia ta te 'au mema o te kopu tangata ka rave—

- 'Akaputupu, rave, ma te kimi e, ka akapēēa e rauka mai ei, me kore 'akateāteāmamaō i tetai au kai e tetai au apinga ke atu te ka taū no te 'oraanga.
- Me ka rauka, e 'akaputupu i te au mea puapinga tikai ei tauturu i tō'ou 'oraanga kia roa. Ka rauka i te kopu tangata kia 'akamata na roto i te 'akaputupuanga i tetai au kai te ka riro ei tauturu i to ratou 'oraanga penei ua 'ake e kare atu a ratou apinga ke e kai ei. Tei runga ua e teiea ra ratou te ngai i noo ei, te mea puapinga rava

atu ko te vai, titona me kore te kaoni e te raiti, kai tamarō (pi tamarō) miti, rango, me kore tuka, ū marō, e te inu tunu kai. Me kare e rauka i te 'akaputupu kai no te tai mataiti, te ka rauka ua i te kopu tangata i te 'akaputupu.

Au manako tauturu. Teia ta te au mema o te kopu tangata ka rave—

- Kō pae kē atu i te kaio'u e 'akaputupu no te tuātau ki mua.
- Kia mareka i te 'au mea katoatoa ta kotou i 'akatika.
- E rave meitaki i te au tauturu ma te mātakite auraka e kaimoūmoū.

Mataora, kia 'maroiroi i te pae kopapa e te pae vaerua. Ta te au mema o te kopu tangata ka rave—

- 'Akamaroiroi i to ratou 'akarongo ki roto i te 'Atua Metua e Iesu Mesia.
- 'Akapuapinga i to ratou piri'anga ki te kopu tangata e te au taeake.
- 'Angaanga kia taea te 'akakoro'anga teitei.

'Aroa atu i Etai ke

'Au pipi tatou na te Mesia, kia 'akangateitei te au mema o te kopu tangata i ta ratou au apiianga kia akatupu i te patireia o te Atua e kia aroa atu i tei ngere. Vaitata e ka rauka i a tatou katoatoa i te 'orongā atu i tetai apinga na etai ke no'atu 'eā'a te meangiti. Ko te 'aronga e mea meangiti ta ratou ka 'akameitaki'ia ratou me kua manako

ratou no te 'oronga.

E mea tau kia 'api'i te au metua i ta ratou tamariki te puapinga o te āroa atu i 'etai ke. E manganui te au raveanga te ka rauka ia tatou i te 'oronga atu ki tei ngere. Ko tetai ravenga puapi-nga rava atu tei 'akatu'puia e te Atua, koia oki kia 'akakore kai tatou e tai taime i te marama e te tutaki i te moni 'āti'nga. Ko te moni atinga na te reira e angai i tei pongi, tauturu i te āronga kare e ngutu'are, ākakakaū i tei takaūa, e te tauturu i tei maki. Tetai atu au tauturu ke te vai nei i roto i to tatou au ngutuare, to tatou au taeake, e te au ngai e nooia nei e te tangata. Tetai 'akara'anga no to tatou inangaro ki te Atua koia oki, ko te inangaro ta tatou e akaāri nei ki 'etai ke na roto i te tāvini'anga e te 'akameitaki'anga ia ratou.

Tuatua'anga i te 'Evangeria

Kua 'api'i mai te au peroveta i te au rā i muri nei e, ko te au mema o te 'Akono'anga e tika'anga to ratou kia tuatua i te evangeria ki 'etai ke. Kua 'akamāramā mai a 'Alamā e peroveta i roto i te Puka a Momoni e, me papetitoia tatou ka ānoanoia tatou kia tu ki runga ei kite no te Atua i te au tuatau, e i roto i te au mea katoatoa, e te au ngai katoatoa (Mosaia 18:9).

Kia tauturu te au mema o te kopu tangata i to ratou au taeake e te tangata tupu kia 'api'i no runga i te 'evangeria

a Iesu Mesia e te au 'akameitaki'anga te ka rauka mai. Na roto i te 'angaanga kapiti anga i te tuatua i te 'evangeria, ka riro te reira ei 'akamāata mai i te kite o te au metua e to te tamariki e manganui, te au tangata te ka tu i te 'akameitaki'anga. Ko te ravenga e manuia'i te tuatua evangeria, ka rauka i te kopu tangata kia—

1. Riro ei 'akara'anga meitaki ki 'etai ke na roto i te 'akono'anga i te au 'akaue'anga kātoatoa (akara Mataio 5:16).
2. Kia mataora no tei riro ratou ei mema ki roto i te 'Akono'anga (akara Rōma 1:16) e kia kite te aronga ke e mema ratou no te 'akono'anga.
3. E pati ki te Atua (1) kia tauturu mai ia ratou kia īki i tetai kopu tangata me kore tetai tangata no te 'api'i atu i te 'evangeria e (2) kia tauturu mai ia ratou kia kimi i tetai au ravenga ke no te 'api'i atu i te 'evangeria.
4. 'Akāaravēi atu i te kopu tangata me kore i tetai tangata ki te 'Akono'anga na roto i tetai au ravenga mei te pāti atu ia ratou kia piri mai ki te putuputuanga kopu tangata me kore ki tetai au tarekareka a te 'Akono'anga, 'oronga atu i tetai puka kia tatau, ma te pukapuka atu kia ratou no runga i te 'akono'anga e te au 'akameitakianga te ka rauka mai i roto i te 'oraanga o te tangata.
5. E pati atu i te kopu tangata me kore

tetai tangata ki roto i tō'ou ngutuare kia 'api'i ia e te au orometua.

Ka rauka katoa i te au metua i te tauturu i te tuatua i te 'evangeria na roto i te 'akateāteāmamaō 'anga ia ratou e ta ratou tamariki kia tutu i te 'evangeria. Ei 'akateāteāmamaō i te tamariki te au tamāroa tikai, no te tutu 'evangeria, kia 'api'i te metua i te 'evangeria ki roto i te ngutuare, e tatau i te tuatua tapu ma te kopu tangata, me kore ko koe anake, 'api'i i te tamariki kia pure, e tuatua katoa no te au tika'anga e te au 'akameitakianga no runga i te tutu 'evangeria. Ka rauka ia ratou kia 'api'i i ta ratou tamariki kia 'akaputu i tetai moni no te 'angaanga 'evangeria, 'akamaro'iro'i i te 'angaanga, kimi i tō'ou ū'orai ravenga, ma te inangaro e te tavini atu i 'etai ke.

E 'akateāteāmamaō katoa te au tokorua akaipoipo i tetai moni no te aere atu ki te tutu 'evangeria me māpu ta ratou tamariki. Ka rauka i teia au tokorua nei i te 'akapāpā mei ta teia au orometua mapu rai. Ka rauka ia ratou kia 'akamaro'iro'i i to ratou kite o te 'evangeria, 'akaputu i tetai moni no te 'angaanga 'evangeria, 'api'i i tetai au reo ke, e te kopapa maroiroi.

Rauka'anga e te Totoa'anga o te 'au 'Akameitakianga o te Iero

I roto i te au 'iero o te Atua, ka 'oronogaia atu ki te au mema tiamā te au

'angaanga 'oro'a tapu e ka rave katoa ratou i tei koreromutuia no ratou ūa'orai, e no to ratou ui tupuna tei mate. Ko teia 'au 'ōro'a tapu nei e te au

koreromotu ka ānoano ia te reira no te au tamariki a te Atua kia rauka ia ratou te tupu'anga mutukore i roto i te patireia kakā o te ra.

**Rauka'anga mai o te au 'Angaanga
'Ōro'a Tapu o te 'Iero no Tatou
Òa'orai**

Me aere te au mema o te 'Akono'anga ki te 'iero no ratou ūa'orai, ka rauka mai ia ratou te 'akameitakianga o te iero, e te 'angaanga 'ōro'a tapu te ka 'api'i mai no runga i te puapinga o te 'oraanga e te 'akakoro'anga o te

Raveanga i te au 'Akamorianga Tapu o te Kopu Tangata



'Akaora. Ka tapūtoū ratou ki te Atu. Pera katoa i roto i te iero tetai nga tokorua tiamā tei 'akaipoipo ka tōpiri-ia raua katoa e ka riro mai ta raua au tamariki ei kopu tangata okotai e tuātau 'uatū. Me noo tiamā te kopu tangata, ko teia 'au 'angaanga 'ōro'a tapu nei ka riro te reira ei kapiti ia ratou ki te ngai okotai e mutukore 'uatū.

Me kare i rauka mai i nga metua te 'akameitakianga o te 'iero e kua tōpiri-ia raua ei okotai, ka 'angaanga raua kia rauka mai teia au 'angaanga 'ōro'a tapu nei. I reira ka 'akapāpā atu ei raua i ta raua au tamariki kia rauka mai teia au 'akameitakianga nei o te 'iero, pera katoa kia 'akaipoipo ki roto i te 'iero. Me kare e rauka i te kopu tangata kia aere ki te 'iero, e mea tau

kia noo tiamā ratou kia rauka ia ratou te tikaanga kia aere ki roto i te 'iero, e kia kite e ka rauka mai ia ratou te 'au 'akameitakianga o te 'iero i te 'oraanga a muri ake, me kore i teia 'oraanga.

Rauka'anga o te au 'angaanga 'Ōro'a Tapu no te Ui Tupuna

Kua 'api'i mai te 'Akaora e ko te au tangata kātōatoa tei noo ana ki runga i te enua nei, kua rauka ia ratou te tika'anga kia 'akarongo ki te 'evange-ria e pera katoa ki te au 'angaanga 'ōro'a tapu o te 'akaora'anga. E manganui te au tangata i mate kare i rauka ana teia tika'anga. Na roto i tona mateanga, kua 'akapāpā te 'Akaora i tetai ravenga no ratou kia 'akarongo i

te 'evangeria i roto i te ao vaerua e kia rauka mai teia 'au 'angaanga 'ōro'a tapu nei. Teia 'au 'angaanga 'ōro'a tapu nei ka raveia te reira i te ao nei e te au mema tiamā o te 'Akono'anga no te au tangata i mate.

Kua oronga te Atu ki te au kopu tangata teia 'au tika'anga tapu nei ei 'akapāpu'anga e ko te 'au 'angaanga tapu o te 'akaora'anga kua raveia te reira no to ratou ui tupuna tei mate ma te kore i rauka ia ratou. Ka rauka i te au kopu tangata kia āru i teia na roto i teia 'au tākainga māmā e toru:

1. 'Akakite i to kotou ui tupuna.

2. E kimi e ko teiēa te ui tupuna tei ānoano i te 'au 'angaanga 'ōro'a tapu.

3. 'Akapāpu meitaki e kia raveia teia 'au 'angaanga 'ōro'a tapu.

Tei te au arataki o te kautaunga te māataanga o te 'akamārama'anga no runga i teia 'au takainga e toru.

Te au 'Angaanga 'Ōro 'a Tapu a te Kautaunga e te 'au 'Akameitakianga



'Akono'anga i Tō'ou Òa'orai e to te Kopu Tangata Rekoti

Kia 'akono te au metua i te au rekoti puapinga o te 'au 'angaanga tei raveia e ratou i roto i to ratou 'oraanga e te 'oraanga o ta ratou au tamariki. Te au pepa no te 'akameitakianga, pāpeti-to'anga, 'akatao'anga anga, 'akaipoipoanga, e te mateanga, kia vairanga ia te reira ki tetai ngai mako tikai. Kia 'akamaro'iro'i te au metua i ta ratou tamariki kia 'akamata i te 'akono i tetai rekoti o to ratou ūa'orai 'oraanga me pakari mai ratou. Ka riro teia au rekoti ei tauturu i te au mema o te kopu tangata kia kite i te 'au 'akameitakianga a te 'Atu i roto i to ratou 'oraanga, e ka riro ei kai vaerua na te 'iti-tangata.

Kia 'akaputu e kia tata te au kopu tangata i te 'au mea ta ratou i kite no runga i to ratou ui tupuna. I reira ka riro teia 'au kite nei ei tauturu i te au mema o te kopu tangata.

Me kua ānoano koe kia kite no runga i te 'angaanga 'iero e te 'akapāpā'anga kopu tangata, akara ki te pene 40 o te
Te au Tumu Tuatua o te Evangelia.

Ko tetai 'au kopu tangata e noo ra ki tetai 'au ngai mamaō kare e tae putuputu ana ki te 'ūipa'anga a te manga. Me ko teia te tu, ka rauka i te au arataki o te kautaunga kia 'oronga atu i te tikaanga ki te kopu tangata kia rave i te 'ūipa'anga 'akamorianga o te Tapati ki roto i to ratou ngutuare.

Me e mema tiamā tetai o te kautaunga

i roto i te kopu tangata, ka rauka iāia kia 'akapāpa e kia 'akameitaki i te 'oro'a me ka 'akatika te arataki maata o te kautauga. Kia mou aia i te taōanga o te taunga i roto i te Kautauga o 'Aārona me kore me te mou ra te Kautauga o Merekiteteka. Tetai 'ua atu mema tiamā o te Kautauga o 'Aārona me kore o Merekiteteka kia tu'a i te 'oro'a.

Te 'au 'akamārama'anga no te 'akameitakianga o te 'oro'a tei roto te reira i te kapi 17 o teia puka 'akamāramāmā.

Ko te 'uipa'anga 'akamorianga o te Tapati kia māmā ua te reira, tapu, e kia 'akamaro'iro'i i te kopapa e te vauerua. Teia tetai tāmanako'anga:

1. Imene 'akamata
2. Pure 'akamata
3. 'Akameitakianga e te tu'a'anga o te 'oro'a
4. E tai me kore e rua o teia tāmanako'anga:
 - E tai me kore e rua 'akamairo'iro'i potō

- Tatau irava ma te 'uri'uri manako a te kopu tangata
- 'Api'i na tetai mema o te kopu tangata

5. Imene 'openga

6. Pure 'openga

Kia riro te au tuatua tapu ei tauturu maata no te kopu tangata. Ka rauka katoa ia ratou kia tatau i te 'au ripoti o te au 'uipa'anga mamaatā, Gospel Fundamentals, e Te au Tumu Tuatua o te Evangelia, te au puka rikiriki a te 'au orometua, te nuti pepa a te 'akono'anga, e tetai atu au puka tei tata'ia e te 'Akono'anga ma tetai au tutu katoa. Ka rauka i te au arataki o te Kautauga kia 'akamāramā i te kopu tangata no runga i tetai au tauturu te ka rauka mai.

Me kore e mema kautauga i roto i te kopu tangata, ka rauka i tetai metua kia 'akakoūkoū i te au mema o te kopu ta-ngata ki te ngai okotai kia imene i tetai au imene, 'api'i i te au tuatua tapu, pure, e kia piri vaitata tetai ki tetai e ki to tatou Metua i te 'Ao. Ka 'angaanga kapiti te arataki o te kautauga ma te kopu tangata kia rauka mai tetai tika'anga no te au mema o te kopu ta-ngata kia rauka ia ratou te 'oro'a.

Ko te 'angaanga 'ōro'a e mea tapu te reira, e na tetai tangata e moū ra i te mana kautaunga e rave i te reira. Ko te pāpetitoanga e te 'ōro'a tetai nga 'akara'anga teia o te 'angaanga tapu a te kautaunga. Ko tetai au 'angaanga tapu ka rauka te reira i te raveia e te au tane e mou ra i te Kautaunga o 'Aārona. Inara ko te māata'anga o teia 'angaanga tapu nei na te au tane e mou ra i te Kautaunga o Merekiteteka e rave i te reira.

Ko teia tuanga ka 'oronga mai te reira i tetai au 'akara'anga ki te arataki o te kautaunga kia āru me rave aia i teia 'angaanga tapu. Ko te au tane te ka rave i teia 'angaanga tapu kia vai teāteāmamaō ratou no te arataki'anga a te Vaerua Tapu. Kia 'akapāpu katoa ratou e ko teia 'angaanga tapu kia tano te reira ki teia 'au 'akano'ono'oanga:

1. Poūroa te au 'angaanga tapu kia raveia te reira na roto i te ingoa o Iesu Mesia.
2. Poūroa te au 'angaanga tapu kia raveia te reira e te mana o te kautaunga.
3. Ko teia 'au 'angaanga tapu nei kia tika ia te reira e te 'au 'akaaere mamaata: pāpetitoanga, 'akatinamou'anga, 'akaingoa'anga e te 'akameitakianga o te tamariki, 'akameitakianga i te 'ōro'a, pureanga o te vaārua mate, e te 'akamana'anga o te kautaunga e te 'oro-nga'anga o tetai taōanga. Inu 'akamanaia, 'akameitakianga o te maki, e te 'oron-

ga'anga o te 'akameitakianga a te metua kare e ānoanoia te tika a te au 'akaaere mamaata. Kua 'akamanaia ratou e tetai tangata e moū ra i te Kautaunga o Merekiteteka e te tiamā.

4. Poūroa te 'au 'angaanga 'ōro'a tapu kia raveia ma te 'au 'akano'ono'oanga tei anoanoia, mei te au tuatua tei 'akatakaia, tukuangā rima, me kore ko te raveanga o te inu tei 'akamanaia.

'Akaingoa'anga e te 'Akameitakianga i te Tamariki

I raro ake i te 'akateranga a te au arataki mamaata, ko te au tane tei mou i te Kautaunga o Merekiteteka ka tikaia ratou kia piri atu ki roto i te 'angaanga tapu o te 'akaingoa'anga e te 'akameitakianga 'ōro'a te tamariki (akara D&C 20:70). Me 'akameitaki i te pēpē, ka tu takapini te au tane e ka tuku i to ratou rima ki raro ake i te pēpē. Me 'akameitaki i tetai tamaiti pakari, ka tuku te au tane i to ratou rima ki runga i te ūpoko o te tamaiti. Ko te tangata na'na e 'oake i te 'akameitakianga—

1. Pure ki to tatou Metua i te Ao.
2. E ka raveia teia 'angaanga tapu e te mana o te Kautaunga o Merekiteteka.
3. Oronga i te 'ingoa o te tamaiti.

4. Kapiti atu i tetai au tuatua 'akameitakianga me aratakiia e te vaerua.
 5. 'Akaoti na roto i te ingoa o Iesu Mesia.
-

Pāpetitoanga

I raro ake i te 'akatereanga a te au arataki mamaata, te au taunga tiamā me kore te au Kautaunga o Merakiteteka ka tikaia ratou kia pāpetito i te aronga tei pāpa. Kia rave i teia 'angaanga 'oro'a tapu, na tei mou i te kautaunga—

1. Ka tu ki roto i te vai ma te tangata te ka pāpetitoia.
2. (Paruru i te manamanatā) mou i te rima katau o te tangata ki tona rima kaui, e 'oti tuku atu i tona rima kaui ki roto i te rima katau o te tangata.
3. Tāki i tona rima katau ki runga.
4. 'Akakite i te kātoa'anga o te ingoa o te tangata e na ko atura, Kua 'akamānaia 'au e Iesu Mesia, te pāpetito nei 'au ia koe na roto i te ingoa o te Metua, e no te Tamaiti, e no te Vaerua Tapu, Amene ('akara D&C 20:73).
5. (Kia kore e manamanatā) kia mou te tangata i tona putangiū ki tona rima katau, e oti ka tuku atu te tangata e mou ra i te kautaunga i tona rima

katau kia 'teitei ki muri i te mokotua o teia tangata e ka taruku atu ei iāia kia ngaro takiri.

6. Tauturu i te tangata kia tū mai mei roto i te vai.

Te au pāpetitoanga, e rave mai e rua taunga me kore, nga tangata e mou ra i te Kautaunga o Merekiteteka ei kite. Na ratou e 'akapāpu e kia rave meitaki'ia teia me kare i tano meitaki te raveanga o te pure, kia rave 'akaoūia te reira e kia taurku 'akaoūia aia. Me kare i ngaro meitaki tetai tuanga o tona kopapa me kore o te kakau o te tangata, e pāpetito ia ra e te vai, kia rave 'akaoūia te pure o te pāpetitoanga e kia taruku 'akaoūia aia.

'Akatinamou'anga e te 'Oronga'anga o te Vaerua Tapu

I raro ake i te 'akateranga a te au arataki maamata, okotai me kore kia maata te au tane e mou ra i te Kautaunga o Merekiteteka ka tikaia kia piri atu ki te 'akatinamou'anga o tetai ei mema no te 'Akono'anga e te 'oroanga'anga o te Vaerua Tapu. Ka tuku ratou i to ratou rima ki runga i te ūpoko o teia tangata; e ko te kautaunga tei 'ikiia ei vaa tuatua—

1. 'Akakite i te katoa'anga i te ingoa o te tangata.
2. 'Akakite e ka raveia teia 'angaanga tapu e te mana Kautaunga o Merekiteteka.

3. 'Akatinamou i te tangata ei mema no Te Akonoanga a Iesu Mesia o te Aronga Tapu i te Au Rā i Muri Nei.

4. 'Oronga i te Vaerua Tapu ma te tuatua e "āriki mai i te Vaerua Tapu."

5. Kapiti atu i tetai au tuatua 'akameitakianga me aratakiia e te Vaerua.

6. 'Akaoti na roto i te ingoa o Iesu Mesia.

'Akameitakianga i te 'Ōro'a

I raro ake i te 'akateranga a te au arataki mamaata, na te au taunga tiamā me kore na te au tane e mou ra i te Kautaunga o Merekiteteka e 'akameitaki i te 'ōro'a. Ko te tangata te ka 'akameitaki i te varaoa ka tūturi aia e ka pure atu i te pure 'ōro'a no runga i te varaoa. Ka tu'a ia atu te varaoa ki te katoatoa. Ko te tangata te ka 'akameitaki i te vai ka tūturi aia e ka pure atu i te pure 'ōro'a no runga i te vai. Ka tu'a ia atu te vai ki te katoatoa.

Kia tano meitaki te raveanga o te pure 'ōro'a. Me tarevake tetai tangata i te raveanga i te pure 'ōro'a e kare aia i 'akatano i te reira, ko te tangata e 'akaaere ra i te 'uipa'anga kia 'akakite atu kiaia kia pure 'akao.

Teia te pure no te varaoa:

"E te Atua, e te Metua Mutukore, te pati atu nei matou kia koe na roto i te ingoa

o ta'au Tamaiti, ko Iesu Mesia, kia 'akameitaki e kia 'akatapu mai i teia varaoa nei no te au vaerua o te aronga katoa te ka rave i te reira, kia kai ratou ei 'akamāaraanga i te kopapa o ta'au Tamaiti, e kia 'akakite atu ratou kia koe, e te Atua, e te Metua Mutukore, e te 'akatika nei ratou i te tuku mai ki runga ia ratou i te ingoa o ta'au Tamaiti ma te 'akamāara 'uatū rai iāia, ma te 'akono i tana au 'akauēanga tana i tuku mai kia ratou, kia noo 'ua mai rai tona Vaerua ia ratou. Amene" (D&C 20:77; Moronai 4:3).

Teia te pure no te vai:

"E te Atua, e te Metua Mutukore, te pati atu nei matou kia koe na roto i te ingoa o ta'au Tamaiti, ko Iesu Mesia, kia 'akameitaki e kia 'akatapu mai i teia [vai] nei no te au vaerua o te aronga katoa te ka inu i te reira, e kia rave ratou i te reira ei 'akamāaraanga i te toto o ta'au Tamaiti, tei maringi mai no ratou; e kia 'akakite atu ratou kia koe, e te Atua, e te Metua Mutukore, e te 'akamāara 'uatū rai ratou iāia, e kia noo 'ua mai rai tona Vaerua ia ratou. Amene" (D&C 20:79; Moronai 5:2).

Inu 'Akatainuanga

Okotai me kore maata atu te mou ra i te mana Kautaunga o Merekiteteka ka tikaia kia 'akatapū i te 'inu orive e kia 'akamanaia no te 'akakoroanga o te

'akatainuanga i te maki. Kare atu e 'inu kē e 'akatikaia. Kia 'akatapu i te 'inu, na tetai e mou ra i te mana kautaunga—

1. Ka mou aia i tetai moina 'inu orive e tuera ua ra.
 2. Ka pure atu ki te 'Atua.
 3. 'Akakite e ko te 'angaanga 'ōro'a tapu ka raveia te reira e te mana o te Kautaunga o Merekiteteka.
 4. 'Akatapu i te 'inu no te 'akameitakianga e te 'akatainuanga o te maki.
 5. 'Akaoti na roto i te ingoa o Iesu Mesia.
-

'Akameitakianga i te Maki

Ko te au tane tini e mou ra i te mana Kautaunga o Merekiteteka te ka tikaia kia 'akameitaki i te maki. E rua me kore e toru ka 'akatikaia kia rave i teia 'angaanga 'ōro'a tapu. Inara, ko tetai tangata e Kautaunga o Merekiteteka tona ka rauka iāia kia rave koia anake 'ua. Me kare ana 'inu 'akatainuanga ka rauka iāia i te oronga i tetai akameitakianga na roto i te mana o te mana kautaunga.

Ko tetai tane e mou ra i te mana Kautaunga o Merekiteteka ka tikaia aia kia 'akameitaki i tetai mema o tona kopu tangata me maki. Penei e ka pati

atu aia i teta tangata e mana Kautaunga Merakiteteka tona kia tauturu iāia.

E rua tuanga o te 'akameitakianga i te maki: (1) 'akatainuanga ki te 'inu e (2)

te topiri'anga i te 'akatainuanga.

'Akatainuanga ki te 'Inu

Ko te 'akatainuanga na tetai e mou ra i te mana Kautaunga o Merakiteteka.

TE AKONOANGA A
IESU MESIA
O TE ARONGA TAPU
I TE AU RĀ I MURI NEI

RAROTONGAN



4 0231180886 1

31180 886